

三

華

集

四



詳校官中書臣瞿照

助教臣常循覆勘

總校官進士臣朱 鈐

校對官修撰臣吳錫齡

謄錄監生臣劉廷勳

欽定四庫全書

三華集卷十一

明 錢仲益 撰

錦樹集一

翰林修撰無錫錢先生仲益余嘗憶往年謁先生
於京師之官舍見求先生之詩者戶外之屨恒滿
及窺其稿則連編累牘蓋莫計其篇章何許也予
曰先生之作富矣哉先生曰吾非務此以為名家

第不過應人之求之耳復曰吾藉此亦聊足以適
吾之興也別來有年嘗念其言之不置今先生已
矣脩其族之賢者有曰公善公治得其遺稿曰錦
樹集者詩凡若干篇以余嘗交先生也徵序于其
首予聞先生盛年時博覽彊記惟塲屋之文是務
後當元季以進士擅名于時及作縣華亭以學推
之政事至今有遺愛存焉若夫詩者特其餘事耳
矧其作也麗而不浮奇而不僻易而不俚而有詩

人之體裁者乎是宜為其族之子孫裒輯之以膾炙人口也余嘗見前輩焦心勞思務於著作其作有可傳者不鮮奈有卒至於湮沒無聞者焉何也良由子孫不能有以成其志耳今公善昆季為先生族之子孫而能不泯先生之所作亦可謂之賢矣乎是則先生也亦奚憾焉是為序時正統二年歲次丁巳秋七月初吉中憲大夫太常寺少卿蕭

山魏驥序

七言律詩

送傳教授赴建寧

都門秋日雨初收，送客携書赴建州。
典學不嫌官署冷，育材端沐聖恩優。
青燈黃卷關幽事，碧水丹山覓勝遊。
聞說郡齋諸士子，溪邊鵠立候仙舟。

中秋夜鄒侍讀置酒翰林中分韻得明字

露洗銀河夜氣清，玉堂文會集冠纓。
地高瀛海秋方半，天近詞林月倍明。
隔座送杯行令急，抽毫分韻趣詩成。

故人愧爾情何厚縱飲豪談過二更

寄安仁縣許安叔教諭

一命初登典學官遠煩書札報平安嗟予宦况憐遲暮
多爾交情重歲寒永夜燈殘吳雨冷高林木落楚江寬
幾回相憶渾無那再展來緘仔細看

送人復任南雄府同知

秋雨天街不作泥除書掌出午門西民懷遺愛車前拜
馬識曾遊陌上嘶雪冷梅花青鳥睡月明松影白猿啼

始興城下行春日還擁屏篁覓舊題

送人復任温州府同知

鴈蕩雲銷曙色開
山氓爭拜使君來
王祥自是三公器
龐統端非百里才
雉闕九重懷象魏
鰲峯咫尺望蓬萊
聖朝已絕黃柑貢
好待春來繞郡栽

送曾知州復任還歸州

空江潮上客帆開
報政新從闕下迴
御札已書盧象最
州民爭望鄧侯來
猿聲夜落夷陵峽
鴈影秋橫滌瀨堆

歸到永安須弔古杜鵑啼處有荒臺

送陳參政赴開封

西風吹雨濕旗旌八位秋登政府榮
梁苑花香鶯語亂隋堤雪霽馬蹄輕
威聲盡服韓弘令方畧咸知董晉名
試問夷門抱關客不知還復有侯嬴

送義門鄭尚書致仕回金華

都門日出早啼鴉送客江亭踏軟沙
白首拜恩辭玉陛錦衣歸老上金華
省中慣識尚書履海外咸知義士家

歸到故園春正好東風開遍碧桃花

送方給事中赴象州判官

當年給事直鑾坡出典方州意若何
千里關山趨象郡一篷風雨發龍河
江雲漠漠詩懷壯汀草青青客思多
好為遠民敷善政盡令歌舞樂恩波

湛然軒

朱欄曲曲浸玻璃窈窕華軒俯碧池
銀鏡寶奩寒不動金沙玉礫淨無漪
波光映月魚鬚見秋色涵空鴈影遲

盡日晏然惟默坐閒心惟有白鷗知

送祖韶石住持惠山

九龍山下古禪林新坐猊牀演法音百里烟霞俱改色
一門衣鉢自傳心風生靜室曇花氣日轉空亭栢子陰
陸羽泉邊舊遊處他時有夢亦相尋

送胡克初赴宜興陰陽官

其父老
得是職

星臺占候選才賢父子相承二十年自昔義和皆世守
由來太史得家傳隔凡洞口看花屐罨畫溪邊載酒船

我亦久懷陽美好擬從詹尹卜求田

送人為御史得告還松江養疾事親

重捧徵書入帝畿蒙恩仍許故鄉歸
罷騎驄馬身緣病却憶鱸魚膾正肥
去國豈能忘戀闕候門還喜見牽衣
鳳凰山下春如海綵舞持觴拜壽闈

送范可大赴嵯縣教諭

憶昔看山入剡溪學宮正在縣衙西
泉聲繞屋書聲雜樹影當簷鶴影齊
二戴祠荒芳草合五龍潭古白雲迷

爾持教鐸還登覽煩向松間認舊題

送解大紀遊北京

楊花如雪草如烟壯士觀光北赴燕上國山河千里外
行都宮闕五雲邊黃金不惜收宛駿白壁還看出薊田
八月秋高遊覽畢西風准擬候歸船

送周季璉還廬陵

柳花吹雪點征衣此日還鄉出帝畿千里山河飛夢到
一篷烟雨載春歸馬圖獨得尊周子虎榜聯名讓宋祁

聞說螺川春意好滿庭芳草綠陰肥

送鄧指揮進天壽節表回閩中

遠稱天壽入神京此日回轅趣去程雲漢星文天上動
閩關山色馬頭迎旌旗有影川如畫徒御無聲衆不驚
聖主祇今崇德化坐安方鎮答昇平

送周僉事赴雲南

薦剡蜚聲達四聰勅持憲節遠觀風鴈鵠顧我棲方穩
鸚鵡憐君賦最工白鷺洲邊晴放鷁碧雞祠下曉乘驄

莫辭萬里滇陽道雨露恩波四海同

送任參政赴福建

翩翩旌節下閩關昭代恩威被百蠻別駕舊聞留美績
政司新喜陟崇班詩題曉葉蕉花落酒熟秋林荔子殷
見說海邊東向望蓬萊咫尺近三山

送王府丞之雲南布政

當宁憂勤念遠人出臨方岳選廷臣聖朝有道華夷洽
造化無私雨露均通籍舊為金馬客安邊那事碧雞神